

На основи Програми роботи за 2017. рок и Одлуки Надпатраюцего одбору Розвойного фонду
Автономней Покраїни Войводина д.о.о. Нови Сад,

Розвойни фонд Автономней Покраїни Войводина д.о.о. Нови Сад, розписує

**КОНКУРС
ЗА ДЛУГОРОЧНИ КРЕДИТИ ЗА ПОЛЬОПРИВРЕДУ**

1. ЦІЛІ ДОДЗЕЛЬОВАНЯ СРЕДСТВОХ

Основни цілі додзельованя кредитох то обезпечене финансйних средствох з цільом потримовки розвою и унапредзено сектору польопривреди преїг звекшаня урвня технїчної опреминосци, звекшаня обсягу, ефикасносци и интензивованя польопривредней продукції, звекшаня продуктивносци, дзвиганя ступня конкурентносци и заштити животног штрєдку як и стимулованя здруженог участвованя вецей ношительох индивидуалних польопривредних г'аздовствох у реализації заєднїцкеї инвестиції у польопривреди пре злєпшанє тарг'овищней позиції индивидуалних г'аздовствох.

За реализацію тей кредитней линїї плановани средства у суми 400.000.000,00 динари.

2. ХАСНОВАТЕЛЄ КРЕДИТУ

Право участвовац на конкурсу маю физични особи – ношителиє регїстрованих польопривредних г'аздовствох на території АП Войводина хтори маю активни статус г'аздовства и менєй як 65 роки живота.

Инвестицію хтора предмет финансования ше муши реализовац на території АП Войводина.

3. НАМЕНКА СРЕДСТВОХ

Кредити ше будзе додзельовац у обласци польопривреди за финансване:

- набавки польопривредней механїзациї за польопривредну продукцію (тракторох, комбайнох и приключних машинох),
- набавки опреми за польопривредну продукцію,
- набавки квалитетного приплодного материялу у статкарстве, матичного чупору,
- набавки пчолових друштвох и кошнїцох з провадзацу опрему,
- набавки вецейрочних засадох овоци, виновеї лози и других вецейрочних засадох з опреманьом поверхносцох под засадами,
- набавки противкаменцових мрежох з подпорку,
- набавки опреми за заштитени простор,
- будованя студньох и набавки опреми и системох за наводньованє,
- набавки опреми за звекшанє капацитетох и осучасньованє линийох за преробок польопривредних продуктох,
- купованя, вибудови, адаптациї и опреманя маг'азинских капацитетох – силосох, прижемних маг'азинох и хладзальньох,
- купованя, вибудови и адаптациї будовательних обєктох за статкарску продукцію пре заштити животног штрєдку и сполньованя стандардох у обласци польопривредней продукції,
- купованя, вибудови, адаптациї и опреманя туристичних обєктох - просторох за змесценє и услужних капацитетох пре унапредзене иснуюцего туристичного понукнуца г'аздовства.

4. УСЛОВИЯ КРЕДИТОВАНЯ

- **сума кредиту:** од 300.000,00 по 10.000.000,00 динари,

- **применоване валутней клаузули** – за шицки обрахунки кредиту по шицких питаньох ше будзе применювац штредні курс евра на дзень уплацованя або виплацованя,
- **каматна стопа:**
 - **2%** на рочним уровню за кредити обезпечени з ґаранцию,
 - **3%** на рочним уровню за кредити обезпечени з ипотеку або залогом,
- **за хасновательох кредиту хтори маю шедзиско на території городох и општинах Автономней Покраїни Войводини, а хтори розкласовани до трецей и штвартей ґрупи по розвитосци, каматну стопу ше зменшує за єден процентни поен,**
- **власна учасц:** найменей 20% предряхунковой вредносци инвестиції (без обрацаючих средствох),
- при обрахунку суми кредиту ше бере вредносц инвестиції без порції на додату вредносц (ПДВ), кед подношитель вимаганя у системи ПДВ,
- **термин врацаня кредиту:** 5 роки, окрем за набавку матичного чупору, пчолових дружтвох и кошніцох з провадзацу опрему - термин за врацанє 3 роки,
- **ґрейс период:** 12 мешаца, окрем за финансованє набавки квалитетного приплодного материялу у статкарстве и за финансованє програмох у обласци овоцарства и винїцарства и снованя других вецейрочних засадох кед ґрейс период 24 мешаца. ґрейс период у рамикох термину за врацанє кредиту,
- **ануитети ше обраховює и плаци квартално.**

У ґрейс периодзе ше квартално обраховює и плаци интеркаларну камату у висини контрактowej каматней стопи.
- **обезпеченє кредиту:**
 - власни вексли физичней особи ношителя реґистрованого польопривредного ґаздовства и
 - ґаранция діловней банки **або**
 - ипотека - заложне право першого шора або нїзшого, кед лєм Фонд ипотекарни поверитель на польопривредней жеми, на хасен Розвойного фонду Автономней Покраїни Войводини д.о.о. Нови Сад (у дальшим тексту: Фонд), у минималним одношеню прецененей тарґовищней вредносци и вимаганого кредиту 150% **або**
 - залога на новокупеней погонскей польопривредней машини хтору ше финансиує зоз средствох кредиту.

Фонд затримує право од другого овласценого преценьовача питац додатне преценьованє польопривредней жеми. Фонд длужен од овласценого преценьовача питац додатне преценьованє польопривредней жеми, кед по першобутним преценьованю вредносц превисшує суму 10.000 ЕУР по гектаре. Додатне преценьованє ше ма окончиц на трошок подношителя вимаганя.

Кед клиент спада до ґрупи повязаних особох, обовязни инструмент обезпеченя то найменей рученє єдней повязаней особи хторе прилаплїве за Фонд, окрем у случаю же кредит обезпечени з ґаранцию діловней банки.

5. МИНИМАЛНИ УСЛОВИЯ

- Нет досцигнути невимирени обовязки спрам Фонду.
- Нет досцигнути невимирени обовязки спрам АП Войводини по кредитох хтори одобрил Фонд за розвой АП Войводини а хтори з Контрактом о зверйованю роботох провадзєня и наплацованя погледованьох зверене Фонду.
- Нет невимирени обовязки по основи порційох и инших явних приходох.

6. ПОДНОШЕНЄ ВИМАГАНЯ И ПОТРЕБНА ДОКУМЕНТАЦИЯ

Учасніки конкурса за додзельованє средствох можу превжац формулар вимаганя Розвойного фонду Автономней Покраїни Войводини д.о.о., на адреси Булевар цара Лазара 7а, Нови Сад, або на електронски способ.

Надополненє за обробок кредитного вимаганя виноши **5.000,00 динари**.

Надополненє за хаснованє услугох Кредитного бироа виноши **246,00 динари**.

Наведзени дополненя ше уплацує на рахунок Розвойного фонду АПВ число: **200-2626900101001-56**, поволанка на число: **0363001101**.

ДОКУМЕНТАЦИЯ ХТОРУ ШЕ ПОДНОШИ НА КОНКУРС:

1. Виполнени формулар *Вимаганя за одоброванє кредиту* з доказом о уплачених наведзених трошках.
 2. Виполнени и подписани формулар Вимаганя/Согласносци за поцагованє звиту Кредитного бироа.
 3. Діловни план за заеднічку инвестицию по моделу Фонду кед носителе реґистрованих польопривредних ґаздовствох зоз своїм кредитом участвую у заедніцкей инвестиції вецей здружених носительох ґаздовствох.
 4. *Виява о повязаних особох.*
 5. *Виява о учасци у системи ПДВ* (кед подношитель вимаганя не у системи ПДВ).
 6. Потвердзене о упису польопривредного ґаздовства до Реґистру польопривредних ґаздовствох з активним статусом и вивод з Реґистру польопривредних ґаздовствох – перши и други бок з виводу з РПГ.
 7. Ришене о категоризации туристичних капацитетох од општинскей управи.
 8. Фотокопию особней легитимации носителя польопривредного ґаздовства.
 9. Число чечуцого рахунку и потвердзене діловней банки о просековим стану и обтоку на рахунок ґаздовства за предходни и чечуци рок.
 10. Ришене о утердзованю порцийного идентификационного числа – ПИЧ (кед подношитель вимаганя у системи ПДВ).
 11. Предрахунок предмету инвестованя або оверени купопредајни контракт.
 12. Предрахунок зоз спецификацию роботох на вибудови и адаптациі будовательних обектох.
 13. При вибудови и адаптациі будовательних обектох – будовательна дозвола хтору видал компетентни орґан управи.
 14. Доказ о уложеной 20% предрахунковой вредносци инвестиції (без обрацаючих средствох)
 - рахунки о вивершених укладаньох з выводами з чечуцих рахунках на хторих евидентовани плацения або готовински рахунок або оверену фотокопию фискального рахунку и одпремніцу хтора видата на подношителя вимаганя.
- Наведзени укладаня муша буц у рамикох инвестиції хтору ше финансиує з вимаганим кредитом и муша буц окончени еден рок пред подношеньом вимаганя за кредит. Подношитель кредитного вимаганя хтори свою учасц витворя прејг плацения найменей 20% предрахунковой вредносци инвестиції, не маю обовязку доручиц документацию яка наведзена под точку (14), але су длужни тоти средства уплациц пред реализацию кредиту и доручиц доказ о оконченим уплацованю.
15. Документи з якими ше доказує додатни приходи членох ґаздовства, кед члени ґаздовства витворюю додатни приходи.
 16. Потвердзения компетентних орґанох о вимирених обовязкох по основи порцийох и инших явних приходох, не старши од 30 дньох.
 17. Фотокопиі контрактох о аренди польопривредней жеми на час найменей док тирва период одплацованя кредиту (одноши ше лем на жем хтора приявена до Реґистру польопривредних ґаздовствох).
 18. Потвердзене о реґистрації – пасош за рогати статок.
 19. Фотокопию транспортних дозволох за механізацию хтора у власносци носителя польопривредного ґаздовства.
 20. Документация за обезпечене кредиту:

- Два власни вексли ношителя реґістрованого польопривредного ґаздовства зоз вексловим овласценьом.
- Кед инструмент обезпеченя **гіпотeka на польопривредней жеми:**
 - ориґинални вивод з ґрунтовних кнїжкох або вивод, односно препис лістку нерухомосцох без терхи и ограніченя за польопривредну жем хтора предмет гіпотeki, не старши од 15 дньох од дня подношеня вимаганя,
 - преценьоване тарґовищней вредносци польопривредней жеми з боку овласценого преценьовача одвитуючого фаху, не старше як 90 дні. Зоз преценьованьом польопривредней жеми не облапена вредносц засадох.
 - Фотокопюю особних легітимацийох шицких власнікох и супружнікох або членох немалженскей заєдніци власніка польопривредней жеми.
- Кед инструмент обезпеченя **залога на новокупеней погонскей польопривредней машини** обовязна полиса каско осигураня з дополнюющим ризиком крадзи, винкулировану на хасен Фонду за цали час тирваня кредиту.
- Кед инструмент обезпеченя **ґаранция діловней банки:**
 - писмо о намирох діловней банки о видаваню ґаранциї.

Обовязни змист проценьованя тарґовищней вредносци, лістину преценьовачох и Програму роботи Фонду, мож найсц на интернет боку Фонду (www.rfapv.rs).

Фонд затримує право, у случаю потреби, окрем наведзеной документації, питац и додатну документацію.

Конкурс отворени покля ше не вихаснує средства яки плановани за його реализацию або по приношенє одлуки компетентного орґана о завераню Конкурса.

Вимаганє з подноши з комплетну документацію зоз точки 6. Конкурса Розвойному Фонду Автономней Покраїни Войводини д.о.о. Нови Сад, на адресу: Булевар цара Лазара 7а, 21000 Нови Сад, у Секторе за кредити, або посла на пошти на исту адресу.

Не будзе ше розпатрац вимаганя хтори ше поднесе по завераню Конкурса, як и ані вимаганя хтори не вполнюю минимални условия яки наведзени у точки 5. Конкурса.

Шицки додатни информации мож достац особне на адреси Булевар цара Лазара 7а, Нови Сад, у Секторе за кредити; на електронски способ: kreditno@rfapv.rs або на телефон на числа: 021/454-334; 021/450-698; 021/450-702; 021/6351-022; 021/6351-014.

РОЗВОЙНИ ФОНД АВТОНОМНЕЙ ПОКРАЇНИ ВОЙВОДИНИ,

НАДПАТРАЮЦИ ОДБОР